



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones Clementis XII. ab Anno I. usque ad IV.

**Luxemburgi, 1740**

CXXXIV. Confirmatur Concordia super assignatione duorum Magisteriorum  
Ordinis Fratrum Eremitarum Sancti Augustini Provinciæ Bethicæ ex  
quadraginta supranumerariis.

---

[urn:nbn:de:hbz:466:1-74733](https://nbn-resolving.org/urn:nbn:de:hbz:466:1-74733)



nati, enarratas Alexandri Prædecessoris literas, quibus prædictis Commissariis Curiae, & Procuratoribus Generalibus familiae Cismontanae, qui sua respective officia triennii continui spatio gesserunt, suffragium sive votum perpetuum attribuitur, sicut præmittitur, juxta decretum a memorato Petro Ministro Generali editum, de triennio incepto, dummodo tamen ipsum triennium inceptum sit continuum, & non interpolatum per notabile temporis spatium, intelligendas esse & fore, auctoritate Apostolica tenore præsentium statuimus & declaramus; Sicque per quoscumque Judices ordinarios & delegatos, etiam Causarum Palatii Apostolici Auditores, & judicari & definiri debere; ac irritum & inane, si secus super his a quocumque auctoritate scienter vel ignoranter contigerit attentari.

Obstantium  
derogatio.

§. 4. Non obstantibus præmissis, ac Constitutionibus & Ordinationibus Apostolicis, necnon, quatenus opus sit, Ordinis præfati, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis, in contrarium præmissorum quomodolibet concessis, confirmatis, & innovatis. Quibus omnibus & singulis, illorum tenores præsentibus pro plene & sufficienter expressis, ac ad verbum insertis habentes, illis aliis in suo robore permanentibus, ad præmissorum effectum hac vice dumtaxat specialiter & expresse derogamus, cæterisque contrariis quibuscumque.

Datum Romæ apud Sanctam Mariam Majorem sub Annulo Piscatoris die 13. Aprilis 1734. Pontificatus Nostri Anno Quarto.

F. Card. Oliverius.

CXXXIV.

Confirmatur concordia super assignatione duorum Magisteriorum Ordinis Fratrum Eremitarum sancti Augustini Provinciae Bethicæ ex quadraginta supranumerariis.

Dat. die 10.  
Maji 1734.  
Pont. An. IV.

### CLEMENS PAPA XII.

*Ad futuram rei memoriam.*

§. 1. **E**Xponi Nobis nuper fecit dilectus filius Didacus Salinas Assistent Generalis Hispaniarum, ac Procurator totius Provinciae Bethicæ Ordinis Fratrum Eremitarum Sancti Augustini, in Sacra Theologia Magister, quod inter dilectum pariter filium Nicolaum Antonium Schiaffinati Priorem Generalem ejusdem Ordinis, ac dictam Provinciam Bethicam emanavit concordia, qua ex quadraginta Magistris supranumerariis, idem Nicolaus Antonius Prior Generalis, obligando pro se suisque respective successoribus, præfatae Provinciae Bethicæ duo tantum Magisteria pro suis Vocalibus, nempe Definitore ac Discreto ad Capitulum Generale venientibus, assignare debeat, & quod ipsamet Provincia dua Magisteria hujusmodi ex dictis quadraginta acceptare se obliget cum pacto, quod aliud vel alia pro dicta Provincia non assignentur, & alias, prout plenius continetur in scriptura desuper confecta tenoris, qui sequitur videlicet:

*In Nomine Domini. Amen.*

Tenor Con-  
cordiæ, qua  
Provincia  
Bethicæ duo  
Magisteria

Præsenti publico concordia Instrumento cunctis ubique pateat evidenter, & notum sit, quod anno ab ejusdem Domini Nostri Jesu Christi sa-

lutifera nativitate millesimo septingentesimo trigesimo tertio, Indictione undecima, die versona mensis Octobris, Pontificatus autem Sanctissimi in eodem Christo Patris, & Domini Nostri, Domini Clementis divina providentia Patris XII. Anno ejus Quarto.

Cum fuerit, & sit ( prout mihi Notario ab infra scriptis partibus affirmatur ) quod aliis & sub die 6. mensis Maji anni 1726. obtentum fuerit a fel. record. Sanctissimo Domino Nostro PP, Benedicto XIII. quoddam Breve, cujus virtute quilibet Reverendissimus Pater Generalis Ordinis Eremitarum S. Patris Augustini poterat creare in Provinciis ultra Italiam quadraginta Magistros supranumerarios, qua de re Provincia Bethica ejusdem Ordinis, volens impedire inconvenientia & detrimenta, quæ ex nimia Magistrorum multiplicatione in dicta Provincia fuerat experta, obtinuerit ab eodem fel. record. Sanctissimo D. N. Benedicto XIII. aliud Breve, quod incipit -- *Exponi Nobis* -- sub datum Romæ apud Sanctum Petrum sub Annulo Piscatoris die 11. Januarii 1727. per quod numerus duodecim Magistrorum, quem pluribus annis habuerat, auctus fuerit ad triginta, cum prohibitione supernumerarium imposterum -- Sitque pariter, quod cum per hanc prohibitionem videretur derogari facultati prædictæ Patrum Generalium præfati Brevis, quoad memoratam Provinciam Bethicam: Reverendissimus Pater Generalis postea obtinuerit declarationem sub die 11. mensis Septembris dicti anni 1727. ab ipsomet fel. record. Sanctissimo Domino Nostro Benedicto, in qua ipse Sanctissimus declaraverit, quod per illud Breve, Provinciae Bethicæ præfigens numerum triginta Magistrorum, non derogaretur illi facultati, Reverendissimis Patribus Generalibus primo concessæ pro constituendis quadraginta Magistris supra numerum extra Italiam -- Sit ulterius, quod ex prædictis omnibus ortum fuerit, quod ex una parte Reverendissimi Patres Generales optent servare suam facultatem creandi quadraginta Magistros supranumerales in Provincia Ultramontanis, & illa uti in illis ac per consequens, & in ipsa Provincia Bethica, & ex alia parte dicta Provincia Bethica optet non gravari pluribus Magistris ultra dictum numerum, ne ulterius pateretur eadem incommoda & detrimenta, quæ primum fuit perpessa, proptereaque ad ea vitanda obtinuerit augmentationem numeri duodecim Magistrorum ad numerum triginta a dicto fel. record. Sanctissimo Domino Nostro Benedicto XIII. per supradictum Breve, ut semper gauderet imposterum prohibitione Magistrorum supranumerarium ob varia incommoda, ipsi Sanctissimo exposita; Unde si nunc supradictum numerum triginta Magistrorum alios supernumerales sine limitatione acciperet, non solum ad præterita rediret incommoda, sed in deteriori conditione, ac antea erat, remaneret.

Verum cum nunc dicta Provincia Bethica desideret duo tantum Magisteria supra numerum trigessimum pro suis Vocalibus, nempe Definitore & Discreto Capituli Generalis, ut possit reperire viros idoneos & graduatos, qui velint arripere iter ita longum, difficile, & gravissimis expensis ( ex majori parte a dictis Vocalibus faciendis ) oneratum, ut est a Provincia Bethica usque ad Italiam, qui certe non erunt, si priventur spe præmii Magisterii, hac de causa & ad tollendas alias disensiones, difficultates, & inconvenientia, decreverit devenire cum Reverendissimo Patre Generali ad infra referendam compositionem & concordiam, videlicet.

I. Quod dictus Reverendissimus Pater Generalis

ralis



ralis ex quadraginta supracitatis Magisteriis se obliget pro se & successoribus, ac ipsa Religione assignare, duo Magisteria dictæ Provinciæ Bethicæ pro suis Vocalibus, nempe Diffinitore & Discreto ad Capitulum Generale venientibus, cum pacto non assignandi alia Magisteria pro dicta Provinciæ Bethicæ.

II. Quod ipsa Provinciæ Bethicæ se obliget acceptare prædicta duo Magisteria ex dictis quadraginta supracitatis, cum prædicto pacto, quod non assignentur aliud vel alia pro ipsa, a quovis Reverendissimo Patre Generali, ne eadem patiatur incommoda & detrimenta; Et volentes super præmissis publicum conficere Instrumentum: hinc est, quod - In mei Notarii publici, & testium infrascriptorum præsentis & personaliter existentes, Reverendissimus Pater Magister Regens Fr. Nicolaus Antonius Schiaffinati Neapolitanus Generalis Ordinis Eremitarum Sancti Augustini ex una, & Admodum Rev. P. Lector Fr. Franciscus Candiotti, uti Procurator dictæ Provinciæ Bethicæ, prout ex Instrumento publico mandati procuræ in ejus personam facti, & ab idiomate hispanico in italicum traducti, quod hic inseritur tenoris &c. prout in eo ex altera parte ambo mihi &c. cogniti, asserentes, & medio juramento tactis pectoribus more sacerdotali affirmantes, omnia & singula, superius expressa & narrata, vera fuisse & esse, eaque pro talibus, & tamquam talia modo ratificantes & approbantes, in eorum igitur executionem eorum sponte &c. nominibus, quibus supra, respective, per viam amicabilem transactionis, compositionis, & concordiæ, ac aliis omni meliori modo &c. renunciarunt imprimis & ante omnia cuicumque privilegio, prælationi, aliisque juribus & rationibus quibuscumque, eisdem quomodolibet competentibus circa præmissa, quibus omnibus nullo unquam tempore contra præsens Instrumentum uti velle ad invicem promiserunt & declararunt in judicio, nec extra, libere &c. ita quod &c. alias &c. Et prosequendo dispositivam stabilitæ concordiæ per viam ejusdem, prædictus Reverendissimus Pater Generalis promissit, seque solemniter obligavit pro se & ejus successoribus, assignare ex dictis quadraginta Magisteriis duo Magisteria pro Diffinitore & Discreto, a dicta Provinciæ Bethicæ missis ad Capitulum Generale, quin pro dicta Provinciæ possit aliud, vel alia ex dictis quadraginta Magisteriis assignare; aliàs ad omnia & singula damna &c. de quibus &c. quia sic &c. - Et e contra prædictus admodum Rev. Pater Lector Franciscus Candiotti, uti dictæ Provinciæ Procurator per eandem viam amicabilem transactionis, compositionis, & concordiæ, ac omni &c. acceptat prædicta duo Magisteria ex quadraginta supra relatis, cum pacto tamen, & conditione prædicta, quod non assignentur pro dicta Provinciæ alia Magisteria, quam relata duo, quia sic per pactum &c. ita quod &c. aliàs non eventum esset ad præsentem concordiam, quam amba partes prædictæ nominibus, quibus supra, respective, promiserunt esse bonam, validam, & legitimam, beneque valide & legitime gestam & factam, pro tali semper & perpetuo attendere ac inviolabiliter observare, habere ratam, gratam, validam, atque firmam tamquam talem sibi ipsis, nominibus prædictis facere licuisse & licere, contraque non facere, dicere, opponere, vel venire quovis sub prætextu, causa, ingenio, vel quavis colore, aliàs ad omnia & singula damna &c. de quibus &c. renunciantes ulterius beneficio legis de his cum ii ff. & eod., ac toto titulo de transactionibus, omnibusque & singulis aliis legibus &c. ad eorum, & transigentium favorem quomodolibet facientibus, in forma &c. non solum &c. sed & omni &c. Hisque semper salvis conventum per pactum ex-

presum inter dictas partes extitit, quod si aliquando prædicta Provinciæ Bethicæ ex motivo alicujus inevitabilis impedimenti, ut pestis, vel alterius similis, omnino intercludentis iter ab ipsa ad locum, ubi celebrabitur Capitulum Generale, nequirit suos mittere Vocales, tunc a Reverendissimo Patre Generali (ne amittat suum jus in isto casu) provideantur prædicta duo Magisteria, sicuti alia triginta ejusdem Provinciæ Bethicæ, per propositionem factam a Diffinitorio ipsius Provinciæ Bethicæ, in qua proponet Diffinitorium tres Lectores jubilatos, & omnibus requisitis ad Magisterium ornatos, ex quibus propositis Reverendissimus Pater Generalis eliget, quem sibi placuerit, & ipsum creabit Magistrum, atque memorata Provinciæ Bethicæ servabit etiam ordinem partialitatum, qui in ea ad omnia officia, munera, & magisteria servatur, ita quod si illo sexennio, in quo Vocales dictæ Provinciæ ob prædictum aliquod inevitabile inconveniens ad Capitulum Generale nequirit accedere, electio Diffinitoris & Discreti debeat fieri in Religiosis partialitatis Provinciæ, & tunc tres Lectores Jubilati pro quolibet ex duobus Magisteriis a Provinciæ proponendi, debeant esse ejusdem Partialitatis Provinciæ. Si vero electio talium Diffinitoris & Discreti debeat fieri in Religiosis Partialitatum Hispaliæ, & Extrematuræ, tunc tres Lectores Jubilati proponendi a Provinciæ debeant esse earumdem Partialitatum Hispaliæ, & Extrematuræ: quia sic per pactum expressum &c. aliàs &c. de quibus &c. quæ omnia &c. aliàs &c. ad omnia damna &c. de quibus &c. quod &c. pro quibus &c. dicti Reverendissimus Pater Generalis se ipsum &c. & ejus successores &c., & dictum Ordinem Eremitarum Sancti Augustini, & admodum Rev. Pater Lector Candiotti uti Procurator præfatus dictam Provinciæ Bethicam, bona &c. jura &c. in ampliori Reverendæ Cameræ Apostolicæ, & alia quavis forma solitis cum clausulis &c. citra &c. obligantes, renunciantes &c. unica &c. & ita tactis pectoribus more sacerdotali jurarunt &c. super quibus omnibus & singulis præmissis petitum fuit a me Notario publico infrascripto, ut unum vel plura, publicum seu publica, Instrumentum & Instrumenta conficerem, atque traderem, prout opus fuerit, & requisitus ero - Actum Romæ in Mansionibus dicti Reverendissimi Patris Generalis, sitis intus Venerabilem Conventum S. Patris Augustini juxta &c., ibidem præsentibus, audientibus & bene intelligentibus DD. Marco Chiro fil. quondam Antonii Bergomen., & Michaele Signali fil. quondam Camilli Romano, testibus ad prædicta omnia & singula vocatis, habitis specialiter, atque rogatis.

Fr. Nicolaus Antonius Schiaffinati Generalis:

Fr. Franciscus Candiotti Procurator Provinciæ Bethicæ.

Pro Domino Antonio Bonifacio Senepa Causarum Curie Capitolii publico Dei, & Apostolicæ Sedis gratia Notario, de præmissis rogato.

Ego Franciscus Andreas Diamilla Connotarius præsens Instrumentum subscripsi & publicavi; rogatus &c.

Loco ✕ Signi.

§. 2. Cum autem, sicut eadem expositio subjungebat, dictus Didacus Assitens Generalis, præmissa, quod firmiter subsistant, & serventur exactius, Apostolicæ confirmationis Nostræ patrocinio communiti summo opere desiderat; Nos ipsum Didacum Assitentem Generalem specialibus favoribus & gratis prosequi volentes,

Dicta Concordia confirmatur.



& a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis, a jure vel ab homine quavis occasione vel causa latis, si quibus quomodolibet innodatus existit, ad effectum præsentium dumtaxat consequendum, harum serie absolventes & absolutum fore censentes, supplicationibus, ejus nomine Nobis super hoc humiliter porrectis, inclinati, de Venerabilium Fratrum nostrorum Sanctæ Romanæ Ecclesiæ Cardinalium, negotiis & consultationibus Episcoporum & Regularium præpositorum, qui rem undique mature discusserunt, consilio, concordiam inter Partes prædictas iniam, ut præfertur, confectamque, desuper scripturam, præinsertam, cum omnibus & singulis in ea contentis, auctoritate Apostolica tenore præsentium confirmamus & approbamus, illisque inviolabilis Apostolicæ firmitatis robur adjicimus, ac omnes & singulos juris & facti defectus, si qui desuper quomodolibet intervenerint, supplemus.

Præsentium literarum firmitas.

§. 3. Decernentes, easdem præsentem literas semper firmas, validas & efficaces existere & fore, suosque plenarios & integros effectus sorti & obtinere; ac illis, ad quos spectat, & pro tempore quomodocumque spectabit, in omnibus & per omnia plenissime suffragari, & ab eis respective inviolabiliter observari; sicque in præmissis per quoscumque Judices ordinarios & delegatos, etiam Causarum Palatii Apostolici Auditores, judicari & definiri debere; ac irritum & inane, si secus super his a quoquam quavis auctoritate scienter vel ignoranter contigerit attentari.

Obstantium derogatio.

§. 4. Non obstantibus præmissis, ac Constitutionibus & Ordinationibus Apostolicis; necnon, quatenus opus sit, Ordinis & Provinciæ prædictorum, aliisque quibusvis etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis, in contrarium præmissorum quomodolibet concessis, confirmatis, & innovatis. Quibus omnibus & singulis, illorum tenores præsentibus pro plene & sufficienter expressis, ac de verbo ad verbum insertis habentes, illis aliis in suo robore permanentibus, ad præmissorum effectum hac vice dumtaxat specialiter & expresse derogamus, cæterisque contrariis quibuscumque.

Fides Transumptis danda.

§. 5. Volumus autem, ut earundem præsentium literarum transumptis seu exemplis, etiam impressis, manu alicujus Notarii publici subscriptis, & sigillo personæ in Ecclesiastica Dignitate constitutæ munitis, eadem prorsus fides in judicio & extra illud habeatur, quæ haberetur ipsis præsentibus, si forent exhibitæ vel ostensæ.

Datum Romæ apud Sanctam Mariam Majorum sub Annulo Piscatoris die 10. Maji 1734. Pontificatus Nostri Anno Quarto.

F. Card. Oliverius.

CXXXV. Declaratur Breve Innocentii XII. super facultate conferendi Lauream Magistralem Fratribus professis Tertii Ordinis Sancti Francisci in Capitulis Generalibus vel Provincialibus tantum.

CLEMENS PAPA XII.

Dat. die 12. Maji 1734. Pont. An. IV.

Ad futuram rei memoriam.

Innocen. XII. Literæ, quibus Mini-

§. 1. **D** Udum fe. re. Innocentius Papa XII. prædecessor Noster, supplicationibus

tunc existentis Procuratoris Generalis Tertii Ordinis Sancti Francisci nomine sibi super hoc humiliter porrectis inclinatus, circa facultatem Ministro Generali pro tempore pariter existenti dicti Ordinis conferendi Doctoratus seu Magisterii lauream Fratribus in eodem Ordine professis nonnulla concessit, prout continetur in ipsius Innocentii prædecessoris Literis, desuper in simili forma Brevis expeditis, tenoris, qui sequitur, videlicet:

INNOCENTIUS PAPA XII.

Ad futuram rei memoriam.

Exponi Nobis nuper fecit dilectus filius Joannes Locatus a Bergamo, Procurator Generalis Fratrum Tertii Ordinis Sancti Francisci, quod cum ex præscripto Constitutionum dicti Ordinis, præsertim illarum, quæ a felicitis recor. Innocentio Papa X. prædecessore Nostro per quasdam suas in simili forma Brevis die 6. Novembris 1648. emanatas literas in forma specifica confirmata fuerunt, illi, qui ex Ordine hujusmodi Doctoratus seu Magisterii lauream suscepturi sunt, debeant prius Philosophiam per triennium legere, & deinde, onere sacram Theologiam per quadriennium legendi indispensabiliter suscepto, literas patentes a Ministro Generali pro tempore existente Ordinis præfati obtinere, quarum subinde vigore in aliqua publica Studii generalis Universitate se præsentantes, Laurea hujusmodi decorantur, non pauci circa præmissa abusus irrepserunt; Multi siquidem adepta Laurea hujusmodi quadriennem ejusdem Sacræ Theologiæ lectionem negligunt; alii vero, etiam ipsa triennali Philosophiæ lectione, eo quod aut labores reformident, aut sese ad id inhabiles agnoscant, penitus, vel in parte omissa, literas patentes supradictas præpotenti patronorum interposita opera & auctoritate de manibus dicti Ministri generalis extorquent, & inde in publicis studiorum generalium Universitatibus, ubi nonnunquam magis lucrum quam virtutis meritum respicitur, Doctoris seu Magistri titulo decorantur, sicque privilegiis, aliis non nisi verè Magistris seu Doctoribus competentibus, gaudent in maximam studiorum jacturam, & aliorum antiquiorum Sacerdotum dicti Ordinis præjudicium, ac non sine evidenti religiøsæ paupertatis detrimento, quandoquidem isti sic laureandi notabiles pecuniarum summas in ordine supradicto colligunt, illasque sic collectas foris expendunt & distrahunt.

Cum autem, sicut eadem expositio subjungebat, dictus Joannes Procurator Generalis abusus hujusmodi tolli, viamque illis imposterum præcludi plurimum desideret; Nobis propterea idem Joannes Procurator Generalis etiam nomine dilecti filii Jacobi Guidotti a Bononia Ministri Generalis ejusdem Ordinis humiliter supplicari fecit, ut in præmissis opportune providere, & ut infra, indulgere de benignitate Apostolica dignaremur. Nos igitur ejusdem Joannis Procuratoris Generalis votis hac in re quantum cum Domino possumus favorabiliter annuere volentes, eumque a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis, a jure vel ab homine quavis occasione vel causa latis, si quibus quomodolibet innodatus existit, ad effectum præsentium dumtaxat consequendum, harum serie absolventes & absolutum fore censentes, hujusmodi supplicationibus inclinati, de Ven. Fratrum nostrorum Sanctæ Romanæ Ecclesiæ Cardinalium, negotiis & consultationibus Episcoporum & Regularium præpositorum, consilio, obtenta relatione Ven. Fratris Nostri Alderani Episcopi Ostien. ejusdem S. R. E. Cardi-

stro Gener. conceitur facultas concedendi Lauream Doctoratus in Capitulo Generali.

Quæ requirenda sunt in laureandis.

nalis